



الدستور الجيد يقول إليه؟..



الدستور يقول.. الدولة هاترعى الطفل وتحميه من العنف أو من استغلاله وتمنع أي حد يشغله إلا لما يخلص تعليمه الإلزامي وتعمل للأطفال محاكم خاصة بهم وما تحبسهمش مع المساجين الكبار.

الدستور يقول.. الدولة هترعى الشباب، وتكتشف مواهبهم، وتشجعهم على المشاركة فى كل حاجة بتهم البلد.

الدستور يقول.. الدولة هتضمن حقوق المسنين، وتوفر لهم معاش مناسب، وإحنا والجمعيات الأهلية نشارك فى رعايتهم.

الدستور يقول.. للمعاقين والأفزام حق على الدولة يتعالجوا ويشغلوا وتسهل ليهم الحركة والانتقال، وتأهلهم علشان يعرفوا يعيشوا فى المجتمع.

الدستور يقول.. الجرايد والتليفزيون والراديو حتى الانترنت أحرار فى اللي بيقلوه أو ينشروه ما حدش يوقفهم أو يصادرهم طالما مش بيخالفوا القانون.

الدستور يقول.. الغدا الكفاية حق للمواطن، والدولة عليها توفر الأكل للناس والميه النضيفة للشرب كمان.

الدستور يقول.. المصريين اللي عايشين بره ليهم حق فى البلد زي اللي عايش فيها تمام وعليهم واجب، و تلتزم الدولة بتسهيل التصويت فى الانتخابات.

الدستور يقول.. على كل مصري واجب أساسي هو أنه يشارك فى كل الانتخابات أو الاستفتاء وها يلاقي اسمه فى الكشوف ويقول رأيه بحرية بس لازم ينزل ويشارك.



١٥ شارع محمد حافظ متفرع من شارع الثورة - المهندسين - الجيزة.
ت: ٣٧٦٠٣٥٨١ - ٣٧٦٠٣٥٢٩ - فاكس: ٣٧٦٠٣٥٠٨
موقعنا على الإنترنت: www.ncwegypt.com
البريد الإلكتروني: ncw@ncwegypt.com

الدستور يقول.. لجسمنا حرمة ومش من حق حد يشوهه أو يجبر حد أنه يتبرع بعضو من أعضاؤه أو يعمل عليه عمليات أو تجارب.

الدستور يقول.. لكل واحد حق يروح من مكان لمكان أو يقعد فى المكان اللي عاوزه ومحدش يمخشيه منه غضب عنه، أو يحبسه فيه، أو ما يخليهوش يرجعه تاني.

الدستور يقول.. كل واحد يقول اللي عاوزه أو يكتب اللي عاوزه أو يصوره ويعرضه على الناس فى التليفزيون أو ينشره فى الجرايد أو على النت.

الدستور يقول.. أي حد عاوز يعمل اجتماع كبير أو مظاهرة أو وقفة يعملها بس ما يكونش معاه سلاح، بس يقول للحكومة أنا هاعملها فين وأمتى علشان تأمنها.

الدستور يقول.. اللي عاوز يعمل حزب لازم يكون عامل حسابه مايكونش عامله علشان يكون حزب ديني، أو عامله لناس معينين وناس تانيين لأ.. أو مثلا عامله لناس مسلحين أو تشكيل عسكري، المهم بس يبلغ الحكومة بعمل الحزب.

الدستور يقول.. اللي عاوز يعمل جمعية أهلية أو نقابة يعمل حسابه إنه ها يدافع عن حقوق الناس اللي عاملها ليهم ويعمل النشاط اللي عاوزه ومفيش حد يقدر يقفله الجمعية ولا يمشي مجلس الإدارة إلا بالمحكمة.

الدستور يقول.. الدولة عليها توفر مساكن للناس وتوفر ليهم المرافق والميه والنور والصرف الصحي وتساعد اللي عاوز بيني بيت يسكن فيه ولازم تشوف حل فى مناطق العشوائيات وتحسنها وتطورها.

الدستور يقول.. يفضل الواحد طفل لغاية ما يوصل ١٨ سنة، يطلع له شهادة ميلاد ويأخذ الجنسية والتطعيم ويأخذ الغدا اللي يكفيه ولو ما عندوش عيلة أو متوى توفر له الحكومة متوى وعيلة تربيته.

■ الدستور الجديد يقول إيه؟..

الدستور يقول.. مصر دي بلد ذات سيادة، أصلها عربية، وإسلامية، حنة منها آسيا وحتة منها إفريقيا كلها كده حضارة وإنسانية.

الدستور يقول.. مصر حنة واحدة محدش يقدر أبداً يفرط في ذرة من ترابها.

الدستور بيرد.. على كل واحد بيزايد علينا.. الإسلام ديننا وشريعتنا وهو مصدر القوانين اللي بتحكمنا ولإخواننا المسيحيين وحتى اليهود اللي على أرضها حق الرجوع لأحكام دينهم.

الدستور يقول.. أنا دستور حقاني .. علشان كده الست المصرية، حقها تدي جنسيتها لبناتها وأولادها علشان هما يدها لولادهم وولاد ولادهم.

الدستور يقول.. أنا واقف مع الأم الفقيرة اللي بتصرف على ولادها وهالزيم الحكومة تساعدها و من الفقر تجدها.

الدستور يقول.. أنا دستور عادل .. الست عندي زي الرجل تاخذ كل الحقوق وهالزيم الدولة تساعدها علشان تعرف تاخذ بالها من عيالها وبيتها وكمان شغلها.

الدستور يقول.. الست زي الرجل مكانها محجوز في مجلس الشعب والمجلس المحلي تنوب عن الكل وتراقب الحكومة و تناقش القوانين.

الدستور يقول.. الست لها عند الدولة حق الحماية من الضرب و الإهانة واللي يضر بدنها وعافيتها واللي يآثر في نفسيتها.

الدستور يقول.. حق الست تتوظف و تترقى وتوصل لأعلى المناصب مديرة ووزيرة وقاضي على المنصة.

الدستور يقول.. العمل عبادة حق وواجب ، حقي أوصل له بكفاءة من غير واسطة ولا قرابة أقدم الخدمة للناس ومن غير غلط ماحدث يقدر يفصلني.

الدستور يقول .. لكل الشغالين.. طول ما أنت بتشتغل ليك عندي تأمين ومعاش، وفلوس تأمينك بتاعتك وملكك بتستثمرها

لك الهيئة وتديلك منها أرباح كمان.

الدستور يقول.. كل اللي من غير شغل أو مش قادر على الشغل، أو مريض أو عاجز، أو فلاح فقير، أو عامل أجير على باب الله هالزيم الدولة تديله معاش يكفيه يفنيه من مد إيده.

الدستور يقول.. لكل واحد عنده تأمين صحي من كل الأمراض، وعلاج على أعلى مستوى، وممنوع على أي مستشفى متعالجش حد راح لها وهو في خطر أو جاله مرض فجأة واضطر يستجد بيها.

الدستور يقول.. هاخلي الدولة تحط عينها على المستشفيات، وعلى الدوا، والإعلانات إياها، وتاخذ بالها من أحوال الدكاترة و المرضين وكل من بيساعد مريض.

الدستور يقول.. هاخلي التعليم مجاني لحد ثانوي، وهايبقى على أعلى مستوى ويخرج الطلبة متعلمين صح وشخصيتهم قوية وبيحبوا بلدهم.

الدستور يقول.. هاكتر المدارس الفنية، وهاخلي الدولة تحط عينها على المناهج والدراسة علشان يتخرج منها الطلبة معاهم شهادات مطلوبة للشغل.

الدستور يقول.. المدرسين أساس التعليم والدولة ملزمة تاخذ بالها من أحوالهم وترفع مستواهم.

الدستور يقول.. السوق مفتوح للاستثمار من غير احتكار أو منافسة مش شريفة، والخير يتوزع على الناس بالعدل اللي في القاهرة زي اللي في الصعيد، الفقر يقل و الأجر يعلو والمعاش يزيد ولا تاجر مستغل ولا مشتري ينضحك عليه.

الدستور يقول.. الزراعة أساس بلدنا والدولة ها تحمي الأرض الزراعية وتكبرها وتكثر المحاصيل وتوفر للفلاح البذور، والتقاوي، والسماذ، وتحميه من الاستغلال وتملك أراضي الاستصلاح للشباب والفلاحين الفقرا وتعديل في التوزيع وتساعدهم على الزراعة.

الدستور يقول.. العمال عندي مهمين عليهم يزودوا الإنتاج

ويكبروا الأرباح وليهم حق النص في مجالس الإدارات، وفي

الجمعيات التعاونية الزراعية والصناعية حقهم فيها ٨٠٪.

الدستور يقول.. الضرائب واجب علينا.. كل واحد على قد ما بيكسب عليه نصيب واللي يتهرب يتحبس لإن كده غلط في حقه وحقي وحق الجميع.

الدستور يقول.. مهم عندي النيل وقناة السويس والبحر و البحيرة وحتى الهوا والبيئة، الدولة ملزمة تحافظ عليهم وانتو كمان، دي كلها مصادر دخل وخير لنا وحق كل واحد يتمتع بيهم.

الدستور يقول.. بلدنا دي بلد حضارة، فن، وأدب، وثقافة وإبداع .. فيها كمان الآثار شواهد الحضارات اللي مرت عليها، وده كله تراث و ثروة كبيرة، الدولة تحميها وتميها وانتو كمان تحافظوا عليها.

الدستور يقول.. كرامة المصري مصونة والدولة تحترمها وتحميها.

الدستور يقول.. المصريين كلهم متساويين والتمييز بينهم جريمة والدولة تعمل للتمييز ده جهاز يراقبه ويعاقب عليه.

الدستور يقول.. التعذيب جريمة واللى يعذب حد لا يمكن يفلت من العقاب.

الدستور يقول.. في مصر الدولة ملزمة تحفظ حقوق كل المصريين وانسانيتهم وتوري العالم ازي بتحفظ عهودها واتفاقيتها.

الدستور يقول.. ماحدث يتقبض عليه أبدا غير المتلبس واللي يتقبض عليه لازم يعرف مقبوض عليه ليه و يبلغ أهله والمحامي، ويتعرض على النيابة في نفس اليوم، ويتعامل بكرامة وماحدث يعذبه أو يخوفه علشان يعترف.

الدستور يقول.. مش من حق حد يدخل البيوت ولا يفتشها ولا يتصنت عليها إلا إذا اللي جواها استجد أو طلب المساعدة أو النيابة سمحت بكده.